

履

巉

巖

本

草

履巉巖本草目錄中

長壽仙人枿

火杵草

金燈草

羊蹄草

白旱蓮

鬼豆

大燒草

野雞尾

茅花

劉寄奴

旱芹

竹園菱

蛇怕草

穿心佛指草

青藍

護花草

刺酸草

刺背魚腥草

野焦

鐵腳鳳尾

穿心鴨舌

貓兒眼精草

腫見消

草蒿

龍膽草

山茵陳

地篇蓄

獨活草

夏枯草

半夏

蛇頭天南星

枸棘子

麻百合

玉簪好

菡藤

千年潤

針頭草

紫背紅內消

五葉金花

五倍子苗

瓢搖豆

山御梔

佛手

川大黃

山附子

水銀草

蜈蚣草

胡姜番白草

紫金藤

雙頭蓮

薯蕷

苦益菜

野紫蘇

天茄兒

瞿麥

石香薷

栝樓

薺菜花

蛇床子

川南星

山柃

水香薷

麩鹽子

甘菊

葱

松板

長壽仙人柳



長壽仙人枿性涼無毒大能去酒病不以
多少熬干為細末每服壹錢用酒調下

火 柎 草



火欬草一味苦寒有小毒主熱瘧煩滿不能食生搗汁服三四合多則令人吐一名狶獫草採葉九蒸九暴收之醫軟癱風疾筋脉緩弱為末酒調服立效

金燈草



金燈草性涼無毒治諸般瘡腫不以多少
熬干為細末冷水調少許敷貼患處

羊蹄草



羊蹄草性溫無毒治中諸毒并酒麪毒不以多少熬干為細末入蕪荑末少許麪糊為元彈子大每服一元隨中毒物下

白旱蓮



白旱蓮性涼無毒治腿腳生瘡不以多少
為細末每用少許冷水調傅患處

鬼豆



鬼豆性涼無毒大治瀉痢不止裏急後重
熬乾為末每服壹錢至貳錢甘草湯調服

大燒草




火燒草性涼無毒治湯盪火燒不以多少
熬乾為細末每用少許冷水調傅患處一
名火焰草紫背者療痔疾

野雞尾



野雞尾性涼無毒治小便不通冷淋證不
以多少熬乾為末每壹錢至貳錢空心食
前用甘草湯調服

茅花



茅花性暖無毒大能止血用少許濃煎湯
服或塞鼻中治血衄

劉寄奴



劉寄奴性溫無毒治心肚作疼不以多少
熬乾為細末每服三大錢水一盞煎至八
分放溫服

旱芹



旱芹性溫無毒治濕氣不以多少乾為細
末麩糊為元如梧桐子大每服三十元至
四十元空心食前溫酒鹽湯服之大能殺
百虫

竹園姜



竹園蒺性涼無毒治淋病熱疼者并小便
不利不以多少熬乾為細末每服一錢至
二錢空心食前用蜜水調服立效

蛇怕草



蛇怕草性大涼大能去毒治蛇傷犬咬用
少許搗爛貼患處

穿心佛指草



穿心佛指草性溫無毒大能明目去昏翳
眼每用不以多少為末甘草末等分每服
一錢食後清茶調服

青藍



青藍味苦寒無毒主解諸毒殺蟲蛇久服
頭不白輕身其葉汁殺百藥毒解狼毒其
莖葉可以染青

治時氣熱毒心神煩躁用藍澱半大匙以
新汲水一盞調服

治脣上生瘡連年不差以八月藍葉一斤
搗取汁洗不過三日差

護花草 護火



護花草一名景天一名戒火一名火母一
名救火一名拔火一名謹火味苦酸平無
毒主大熱火瘡身熱煩邪惡氣諸蠱毒寒
熱風痺諸不足

花主女人漏下赤白輕身明目久服通神
不老又治風疹惡癬主小兒丹毒發熱驚
疾

刺酸草



刺酸草性温有毒入爐火藥

紫背魚腥草



魚腥草性涼無毒大治中暑伏熱悶亂不
省人事每用少許搗爛取汁以涼水浸服

鐵脚鳳尾



鐵腳鳳尾草性溫無毒即休糧藥每用同
黑豆蒸熟揀去鳳尾草每食五七粒後終
日自然忘食

穿心鴨舌




穿心鴨舌一名草苓苓性涼去毒治鼻中
出血每用細末一二錢冷水調服立差

猫兒眼精草



猫兒眼精草又名五鳳靈枝性溫有毒治
脚氣赤腫行步作疼不以多少剉碎入鷺
鶩藤蜂窠各等分每服一兩重水五碗煎
至三碗起熱熏洗

腫見消



腫見消味澀有微毒治狗咬癰腫瘡毒每
用苗葉爛搗貼瘡

草蒿



草蒿乃青蒿也味苦寒無毒主疥癩惡瘡
殺蟲補中益氣輕身補勞駐顏色長毛髮
髮黑不老兼去絲髮心痛搗汁服瀉痢飯
飲調末服

如惡瘡疥癩風疹煎湯洗之能殺虫治犬
夫婦人勞瘦青蒿細剉每服三大錢水一
盞童子小便半盞煎至八分服

龍膽草



龍膽草味苦寒無毒治酒毒便血腸風下
血眩乾為末空心食前陳米飲調一二錢
服又治雀盲夜不見物者用龍膽草一兩
黃連一兩二味為細末食後用熟羊肝蘸
藥末服

山茵陳



山茵陳味苦平微寒無毒主風濕寒熱邪
氣熱結黃疸通身發黃小便不利除頭熱
去伏瘕久服輕身益耐老治遍身風痒生
瘡疥茵陳不計多少煮濃汁洗之立差

地
篇
蓄
編
又
竹
名



地篇蓄味苦平無毒主浸淫疥癬疽痔殺
三蟲療女子陰蝕又治丹發疼痛擣篇蓄
汁服一升一兩服立差若未羗再服效治霍
亂吐利不止篇蓄豉汁中以五味調和煮
羹食之佳除積熱利小水

獨活草



獨活草性苦甘平無毒治小兒脾積疳黃
四肢羸弱飲食不進用不以多少為細末
每服一錢用木香煎湯調服不以時

夏枯草



夏枯草味苦辛寒無毒主寒熱瘰癧鼠瘻
頭瘡破氣散癭除濕輕身一名夕句一名
乃東一名燕面生蜀郡川谷四月採
又治肝虛目睛疼冷淚不止筋脉痛及眼
羞明怕日補肝散夏枯草半兩香附子末
一两共為末服一錢臘茶調

半夏



半夏味辛平生微寒熱溫有毒主傷寒寒
熱心下堅氣喉咽腫痛頭眩胃脹欬逆腸
鳴止汗治久積冷不下食嘔吐不止冷在
胃中半夏五兩洗淨為末每服二錢白麩
一两以水和搜切作碁子水煮麩熟為度
用生薑醋調味服之每用半夏必須湯泡
七次

蛇頭天南星



蛇頭天南星性溫有小毒治咳嗽痰多用
根一兩為末入輕粉二錢薄薄麩糊為元
如萊豆大每服三元至五元薑湯送下專
治小兒痰喘更量小兒大小加減元數服
之名曰立效水精丹

枸棘子



枸棘子性涼無毒治婦人血氣攻衝不以
多少為細末每服一錢濃煎艾醋湯調服
不以時候

麻百合



麻百合性溫無毒治脾胃不和
大能消食快氣不以多少
照乾為細末米飲湯調服
薑湯亦得只服一錢至二錢

王婆娘



王婆妳性涼無毒治大人小兒久新喘嗽
不止不以多少熬干為細末每服壹錢至
貳錢用茶清調下

舊藤




舊藤性涼無毒大能活血善治便血等疾
不以多少為細末每服貳錢空心食前酒
調服又名五葉藤

千年潤



千年潤性涼無毒治喉壅閉發聲不出
不以多少燉乾為末每服壹錢濃煎薄奇
湯調服不以時臨睡服尤佳

針頭草



針頭草性涼無毒治小便不通不以多少
燉干剉碎每服三大錢入燈心十數莖水
壹盞煎至八分去滓通口服空心食前

紫背紅內消



紫背紅內消性涼無毒治一切瘡癰腫毒
每用不以多少爛搗敷貼患處

五葉金花



五葉金花性涼無毒治風濕相搏麻痺無力不以多少噉乾為細末每服一錢至二錢當歸酒調下不以時

五倍子苗



五倍子苗性溫無毒治咽喉疼發聲不出
不以多少熬乾為細末入百藥煎一處冷
水元如彈子大每服一元噙化

飄搖豆



瓢搖豆性涼無毒大能活血明眼不以多
少熬乾為細末每服壹錢至貳錢濃煎甘
草湯調服

山御槐




山御桃性溫無毒治咯血吐血疾不以多
少為末每服壹錢至貳錢冷水調服

佛手



佛手根名高良薑大溫主暴冷胃中冷逆
霍亂腹痛治心脾痛以高良姜細剉微炒
礮為末未飲湯調下壹錢至貳錢服一名
蛮姜經霜揉用矮似佛手結大子花開亦
大

川大黃



川大黃性涼有小毒大醫腫毒不以多少
搗爛敷貼患處

山附子



山附子性熱有毒治風濕相搏脚手痠弱
入羣藥用

水銀草



水銀草性大冷有毒治眼目昏暗不以多
少咬咀每服叁錢入木賊少許水一大盞
煎至八分去滓通口服不以時

蜈蚣草




蜈蚣草性涼有毒能解諸毒治蜈蚣傷
乾為末入鹽少許水調壹貳錢敷貼患處

胡姜番白草



胡姜 菴白草 一名海菴蒲 性涼無毒 治發背疾 用少許和根一處搗爛 罨患處 其疾立效

紫金藤



紫金藤性涼無毒治諸般腫毒惡瘡不以
多少搗爛罨患處如瘡乾皴干為末冷水
調傳

雙頭蓮



雙頭蓮一名催生草性溫有毒治婦人難
產臨產時取藥左手把之隨即生下
治小兒牙疳爛搗貼患處

薯蕷



薯蕷味甘溫平無毒主傷中補虛羸除寒
熱邪氣補中益氣力長肌肉主頭面遊風
風頭眼眩下氣止腰痛補虛勞羸瘦充五
藏除煩熱強陰久服耳目聰明輕身不飢
延年一名山芋於砂盆中細研然後下銚
中入酥一大匙熬次入酒壹盞煎攪令勻
空心食前飲之能補虛益顏色

苦益菜



香益菜性涼無毒大涼五善治婦人血脈
不調噉乾為細末每服壹錢至貳錢溫酒
調服不以時艾醋湯調服亦得

野紫蘇



野紫蘇性溫無毒大能和氣消食治翻胃
氣疾不以多少熬乾為末入香附子少許
每服壹錢至貳錢沸湯調下止金瘡出血
療痔疾煎湯洗之大有神效

天茄兒



天茄兒性涼無毒諸般瘡疾大能醫治不
以多少熬乾為細末每用少許冷水調付
患處

嬰麥



嬰麥味甘辛寒無毒主關格諸痛結小便
不通明目去翳止霍亂長毛髮治產經數
日不出或子死腹中母欲死以嬰麥煮濃
汁服之

石香薷



石香柔味辛香溫無毒主調中溫胃止霍
亂吐瀉心腹脹痛心腹痛腸鳴苗莖花實
俱可用

栝樓



栝樓根味苦寒無毒主消渴身熱煩滿大
熱補虛安中

栝樓實名黃瓜主胃痺潤澤人面莖葉療
中熱傷暑治癰疽末潰用根同赤小豆等
分為末醋調敷貼患處

薺菜花



薺菜花性暖無毒治瀉痢日久不止不以
多少熬乾為細末每服叁大錢空心棗湯
調服

蛇床子



蛇床子味苦辛甘平無毒除痺氣利關節
癩癧惡瘡溫中下氣久服輕身好顏色令
人有子一名蛇粟一名蛇米一名蛇林一
名思益一名繩毒一名棗棘一名薔蘿

川南星



川南星味苦辛有毒主中風除麻痺溼痰
涎下氣破堅積消癰腫利胃鬲治咳嗽天
南星壹箇大者炮令烈為末每服壹大錢
水壹盞生姜七片煎五分溫服空心日午
臨睡各壹服

山
椒



山椒味辛溫有毒主風邪氣溫中除寒痺
堅齒髮明目療喉痺吐逆疝瘕久服輕身
好顏色耐老增年通神

水香柔



水香柔性涼無毒截四時傷寒不正之氣
不以多少熬乾為細末每服壹錢至貳錢
熱酒調服

麩塩子



麩鹽子味酸微寒除痰飲瘰癧喉中熱結
喉痺止渴解酒毒黃疸變白生毛髮取子
乾搗為末食之


甘菊



甘菊花味舌甘無毒主頭風眩腫痛目欬
脫淚出皮膚死肌惡風濕痺

治頭風頭旋用九月九日菊花暴乾取家
糯米壹斗蒸熟用五兩菊花末搜拌如常
醞法多用細麩為候酒熟即壓之去滓
每煖壹小盞服

葱



葱味辛溫中消穀下氣殺蟲久食傷神損
性令人多忘損目明尤發痼疾患狐臭人
不可食四月宜少食多食令人氣喘多驚

余脂



松脂味苦甘溫無毒主疽惡瘡頭瘍白禿
疥癢風氣安五藏除熱胃中伏熱咽乾消
渴及風痺死肌鍊之令白其赤者主惡痺
久服輕身不老延年壹名松膏壹名松肪
松實味苦溫無毒主風痺寒氣松葉主風
濕瘡松節主百節久風皮上綠衣用合諸
香燒之其煙不散